

BIDDA DE MONTAGNA

T'affaccias tot'arrisu
in sa cornissa birdi
coment'e sposa bella
cun biancu paramentu.
Po lomp'a t'imprassai
in cussa punt'a susu
no avvertu cansamentu,
ma spinta de disiggiu
mi parit de bolai.
Respiru su profumu
de ginestr'e abuléu;
in su tappetu stérriu
de follas indoradas
affungu dogna passu
e mi perdu, biàda
in su boscu incantau...
Ascurtu curiosa
tot'is segretas notas
chi mi sonant in coru
e s'aqua sartia, sartia
tra roccas de brillantis
chi ciacciarranta contus
currend'attes'attesu.

(MONTANARA)

EVELINA GARAU

CACUARI